

www.BibleForChildren.org

Naanearü ügüchiga 3



Rü gumá yatü rü Ébagu ngĩxũ
naxüéga ga yema naxmax yerü
ngĩma iyixĩ naé ga guxũma i duũxũgü
i maxẽxũ.



Rü natanüwa ga guxũma ga yema
naeũgü ga idüraexũ ga Cori ya Tupana
üxũ, rü yema ãxtape nixĩ ga guxũarü
yexera womüxẽẽxũ cuáxũ. Rü yema nixĩ
ga ngĩxna caḁaxũ ga yema nge, rü
ñanagürü ngĩxũ: —¿Rü aixcũma yixĩxũ i
Tupana pexna nachuxuxũ nax tama

penangóxũcaḁ i norü o l
ngẽma nanetügü
i ñaa naanewa
ruxügüxũ? —
ñanagürü.



Rü ngĩma ga yema
nge rü inangãxũ rü
ngĩgürügü:

—Ngẽmáacüx,
tanangõx i ngexũrũxũmare
i nanetüarü o i ñaa naanewa rüxügüxũ.




Natürü ngēma
nanetü i ñaa naanearü
ngãxüwa rüxüxüarü
oxicatama nixĩ ya

Tupana tomaxã nüxü ixuxü nax tama
tanangõxücaḡ, rü bai i nüxü
tingõgümarexü. Erü ngëxguma
ngēmaãcü tanaxüxgu rü tá
tayue — ngĩgürügü nüxü.



Natürü yema ga
ãxtape rü ngĩxũ
nangãxũ rü ñanagürü
ngĩxũ: —Tama aixcüma
nixĩ i ngẽma. Rü taxũtama peyue. Erü Tupana
rü meama nüxũ nacua_x ega penangõ_xgu i
ngẽma nanetüarü o rü tá nüxũ pecua_x i
ta_xacü nixĩ i mexũ, rü
ta_xacü nixĩ i chixexũ, rü
Tupanarüxũ tátama pixĩgü
— ñanagürü ngĩxũ.



Rü yexguma ga yema nge rü nüxũ
idawenü ga yema nanetüarü o rü
ngĩxũ nangúchaũ ga nax nangóoxũ
nax yemaacü cuax ngĩxũ yexmaxũcax.
Rü iyacawe ga wüxipüxü ga norü o rü
inangõx. Rü ñuxũchi
ngĩtemaxã ingau
rü nüma rü ta
nanangõx.



Rü yexgumatama ningoxnaxetügü rü
nüxü nicuaxãchitanü ga nax
yangexchiruxü. Rü yemacax iguátü
nangaixcu nax yemamaxã nügü
yadüxpexegüxücax.





Natürü nüma ga
Cori ya Tupana rü gumá yatücaḡ
naca. Rü nüxna naca rü ñanagürü: —¿Ngextá
cungexma? — ñanagürü. Rü nüma ga gumá yatü rü
nanangãxũ rü ñanagürü: —Cuxũ chaxĩnü nax ñaa
naanegu quixũgũxũ, rü chamuũ erü changexchiru.





Rü ngẽmacax
ichicux — ñanagürü.

Rü yexguma ga Tupana rü nüxna naca rü ñanagürü:
—¿Texé cumaxã nüxũ tixu nax cungexchiruxũ? ¿Ëxna
cunangõx i ngẽma nanetüarü o i cuxna chachuxuxũ
nax tama cunangõxũcax? — ñanagürü.



Rü nüma ga gumá yatü nanangãxũ rü ñanagürü:
—Ngẽma nge ga choxna ngĩxũ cumucü
chomücüxũ rü chomaxã ingau i ngẽma
nanetüarü o i toxna cuchuxuxũ rü
choma rü chanangõx — ñanagürü.



Rü yexguma ga Cori ya Tupana rü ngĩxna naca
ga yema nge rü ñanagürü ngĩxũ: —¿Tüxcüũ
ngẽma cuxü? — ñanagürü. Rü ngĩma rü
inangãxũ rü ngĩgürügü: —Ngẽma ãxtape
choxũ nawomüxẽxẽ rü ngẽmacax
chanangõx — ngĩgürügü.



Rü yemacax nixĩ ga Cori ya Tupana
ga gumá yatüxũ Edéüwa ínataxüchixũ
rü nagu namuaxũ nax nawa
napuracüxücax ga waixũmü
ga noxri nawa naxüaxũ.





Rü yexguma ínataxüchiãxguwena rü
Edéũmaũgu nanamugü ga ñuxre ga
daxücüãx ga ixãxpexatüxũ,
rü yexma nanaxú ta ga wüxi
ga naxne ga . . .





. . . tara ga iyaxracüüxũ ga yéma
idixegucüüxũ ga guxũcüwagu
yawexemaãchixũ nax taxúema
nawa nguxũcax ga yema nanetü
ga maxũ nawa yexmaxũ.



Rü yexguma ga gumá yatü rü naxmax ga Ébamaxã
namaxũ. Rü ixãxacü namaxã ga ngĩne ga Caiũ. Rü
ngĩgürügü: —Marü choxũ nangẽxma ya chaune ya
Cori ya Tupana choxna namucü — ngĩgürügü. Rü
gumawena rü wena ixãxacü namaxã ga

Abé ga Caiũenexẽ. Rü

gumá Abé rü

carnéruarü

yaexẽẽwa


napuracü rü Caiũ rü

naanewa

napuracü.



Rü yexguma marü ñuxre ga taunecü ngupetügu rü wüxi
ga ngunexügu rü Caíü rü Tupanacaḡ nayagu ga norü
ãmare ga nanetüarü o. Rü yemamaxã Tupanaxü
nicuaḡxüxü. Rü yexgumarüxü ta ga Abé
rü Tupanana nayaxã ga nüxíraxüxü ga
norü carnéruxacü ga rümemaexü rü
yemamaxã Tupanaxü
nayarücuaxüxü.



Rü nüma ga Cori ya Tupana rü Abémaxã rü norü
ãmaremaxã nataãxê. Natürü ga Tupana rü tama
Caíũmaxã rü woo norü ãmaremaxã nataãxê.
Rü yemacaḡ ga Caíũ rü poraãcũxũchima
nanu rü nanuchametü.



Rü wüxi ga ngunexũgu rü Caíũ rü naenexẽ ga Abéna
naxu nax naanegu naxĩaneãxũcaḡ. Rü yexguma marü
naanewa nayexmagügu, rü Caíũ rü naenexẽ
ga Abéna nayuxu rü nayamaḡ.



Rü yexguma ga Cori ya Tupana rü Caiüna naca rü ñanagürü: —¿Ngecü nixĩ ya cuenexẽ ya Abé?
— ñanagürü. Rü Caiü nanangãxũ rü ñanagürü:
—Tama nüxũ chacuax nax ngextá nangẽxmaxũ.
¿Ëxna cuma nagu curüxĩnügu rü chauenexẽarü dauruxũ chixĩ?
— ñanagürü.



Rü nixũ ga Caiũ nawa ga yema naane ga Tupana
nawa namaxã idexaxũ. Rü Edéũwa inaxũãchi rü
éstewaama naxũ ga Nóxanewa. Rü yexma naxãchiũ.



Rü nüma ga Adáũ rü wenaxarü naxmaxmaxã namaxũ
rü ngĩma rü wenaxarü ixãxacü. Rü gumá nane rü
Chéxgu nanaxüéga, rü ngĩgürügü: “Tupana
choxna nanamu ya nai ya chaune nachicüxü
ga Abé ga Caiũ yamácü”, ngĩgürügü.



Rü gumáwena ga Adáũ rü 800 ga taunecü namaxũ. Rü nüxũ nayexma ga naigü ga nanegü rü naxacügü.
Rü guxũwama rü 930 ga taunecü namaxũ. Rü yexgumaepüx ga taunecü nüxũ nayexma ga yexguma nayuxgu.



Natürü ga Cori ya Tupana rü nüxũ nadau nax
ñoma ga naanewa poraãcũ chixexũ
naxügüxũ ga duũxügü rü
chixexũguxicatama naxĩnüexũ.



Rü poraãcü nangechaũãcüma ñanagürü: —Tá
ichayanaxoxẽxẽ i ngẽma duũxũgü i
changoxẽẽxũ, rü ngẽxgumarüxũ tá ta
ichayanaxoxẽxẽ i ngẽma naxũnagü,
rü naeũgü, rü ngẽma naeũgü i
waixũmüanegu nügü
itügüxũ, . . .



. . . rü naeũgü i i ixãpexatüxũ erü choxũ
nangux nax chanangoxẽẽxũ — ñanagürü.



Natürü ga Tupana rü Noéxũ nadau nax mexũ
naxüxũ ga napexewa. Rü nüma ga Noé rü nüxũ
nayexma ga tomaepüx ga nane: Chéũ,
rü Cáũ, rü Yapéx.



Rü Tupana rü
poraãcũ nũxũ
nangechaũ i ñoma i naanecũãx i
duũxũgũ. Rü yemacaç inanamu ga Nane
ga nũgũmaxã wũxicacũ nax guxãma ya
texé ya nũxũ yaxõgũxe rü tama
itarũtauxexũcaç rü tũxũ
nangẽxmaxũcaç i maxũ
i taguma gũxũ.



Popera ga Rómawa yexmagüxü ga yaxögüxütanüwa
namuxü ga Pauru 3:23 Rü guxãma rü pecadu taxü rü
ngẽmacax nüxna tayáxügugü ya Tupana ya üü necü.

Popera ga Rómawa yexmagüxü ga yaxögüxütanüwa
namuxü ga Pauru 6:23 Rü natanü i ngẽma pecadu tüxna
ãxü, rü yu nixĩ. Natürü ngẽma ãmare ya Tupana tüxna ãxü
rü maxü i taguma guxü nixĩ i ngẽxguma tórü Cori
ya Ngechuchuaxü yaxögügu.

Popera ga Yudíugü ga yaxögüxücax ümatüxü 9:27 Rü
ngẽxgumarüxü nax wüxicanatama nayuexü i duüxügü rü
ngẽmawena Tupana tá nüxü nicagü, rü yexgumarüütama
ga Cristu rü wüxicanatama nügü inaxã rü nayu nax
naxütanüxücax i muxüma i duüxügüarü pecadugü. Rü
nüma ya Cristu rü wena tá núma naxü, natürü tama
pecaduarü ütanüwa. Rü tá núma naxü nax
namaxẽxẽãxücax i guxüma i duüxügü
i aixcüma ínanguxuxẽëgüxü.



Popera ga Epéchiuwa yexmagüxü ga yaxõgüxütanüwa
namuxü ga Pauru 2:8,9 Rü Tupanaarü ngechaügagu
penayaxu i maxü i taguma gúxü yerü peyaxõgü. Rü ngëma
maxü rü tama pegünatama penaxã, natürü Tupana nixĩ ga
pexna naxãmarecü ga yema. Rü tama taxacü i mexü i
pexüxügagu nixĩ i pexü nangëxmaxü i ngëma maxü, natürü
Tupana nixĩ ya pexna naxãmarecü nax ngëmaãcü
taxúema tügü icuaxüxücax.

Popera ga Rómawa yexmagüxü ga yaxõgüxütanüwa
namuxü ga Pauru 10:9,10 Erü ngëxguma cuaxmaxã nüxü
quixuxgu nax curü Cori yixixü ya Ngechuchu, rü ngëxguma
cuyaxõxgu nax yuwa Tupana ínadxëxü, rü tá cuxü
nangëxma i maxü i taguma gúxü. Erü ngëxguma
Ngechuchuaxü yaxõgügu nixĩ nax Tupanapexewa imexü.
Rü taaxmaxã nüxü tixu nax tórü Cori yixixü ya Ngechuchu,
nax ngëmaãcü nayaxücax i maxü i taguma gúxü.



Ore i mexũ ga Cuáũ ümatũxũ 3:16,17 Rũ Tupana rũ poraãcü nüxũ nangechaũ i ñoma i naanecüãx i duũxũgũ. Rũ yemaca_x inanamu ga Nane ga nügũmaxã wüxicacũ nax guxãma ya texé ya nüxũ yaxõgũxe rũ tama itarũtauxexũca_x rũ tüxũ nangẽxmaxũca_x i maxũ i taguma gúxũ. Yerũ ga Tupana rũ tama ñoma ga naanewa nanamu ga Nane nax poxcu duũxũgũmaxã naxueguxũca_x. Natürũ núma nanamu ga Nane nax duũxũgũxũ namaxẽxẽxũca_x.

Nüxíraxũxũ ga popera ga Cuáũ ümatũxũ 5:11-13 Rũ yema Tupana nüxũ ixuxũ ga ore nixĩ nax nüma rũ tüxna naxããxũ i maxũ i taguma gúxũ. Rũ ngẽma maxũ i tüxna naxãxũ rũ Nanegagu tüxũ nangẽxma. Yíxema nüxũ yaxõxe ya Tupana Nane rũ tüxũ nangẽxma i ngẽma maxũ i taguma gúxũ. Natürũ yíxema tama nüxũ yaxõxe ya yimá Tupana Nane rũ tama tüxũ nangẽxma i ngẽma maxũ. Pa Chauenexẽgũx ya Tupana Naneaxũ Yaxõgũxex, pexca_x chanaxümatũ i ñaa ore nax nüxũ pecuáxũca_x nax pexũ nangẽxmaxũ i maxũ i taguma gúxũ.



Naanearü ügüchiga 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ticuna Bible (tca) © 2022, Wycliffe Bible Translators, Inc. All
rights reserved.

<https://www.bible.com/bible/289/GEN.1.TCAP>

©2025 Bible for Children, Inc.

www.M1914.org

www.bibleforchildren.org

